

مخبر

اهمیتی، اجتماعی، فلسفی، تاریخی، ادبی مجموعہ دور
شبیہ یک آیدہ بر لفر اولنور

مدرجات

- اسلام تاریخی • حسین جاہد بکک ترجمہ ابتدیی تاریخ اسلام حقندہ انتقاد • یوسف ضیا
- ایران ماصالی قریب حسین
- چولده برسجدہ سمیر جمال آردہ نورس
- ایران ادبیاتندن نمونہ لر • سعدینک طیباتندن • نورالدین
- آنادولوده برکایت م. شرف
- شیخ شامل حمزه
- جانی آلتدہ بر فیلسوف • امیل سووستر • عبدالحی هاری
- بونسخده شیخ شاملک بر رسمی وارد . •

صافی : ۲۵

پچشنبه

سنه : ۲



۱ کانون تانی ۱۳۴۱

شیخ شامل

بواسمی ایشتمهین یوقدر . شامل آکیلدیجه قفقاسیا جانلانیر قفقاس دوشونولدیکجه شیخ شامل یاشار . بویکی کله هر زمان ایچون مترافقدرلر .

جهانک عصری و مترقی لسانلردن - السنه شرقیدن غیری - هیچ بری یوقدرکه بو زنکین اولکهدن و بو قهرمان شخصیتدن بحث ایتمش بولنسون ، بتون کتبخانه لرده مختلف لسانلردن یوزلرجه حق بیکلرجه اثر بوله بیلیرسکیز که یالکیز و یالکیز بونلرله ترین صحایف ایتشلردر . بنده بو کونکی مقاله می ، بزدن اولدینی حالده بزه مجهول قالان بو شخصیتیه حضر ایدیه جکم . واقعا مضمون بیوک و پک واسعدر . قفقاسیانی کوسترمک و شاملک اوتوز بش سنهک مجاهداتی یاشانه بیلیمک ایچون اساسلی تدقیقات و جلدلرله مؤلفات کر کدر . او وقایعی بر قاج صحیفه یه صیغدیرمغه امکان یوقدر . مقصد من بومقالزله او بیوک شخصیتی سلاملامق ، وسعتمز نسبتنده طویلادیغمز موثوق معلوماته استناداً اخلاق و عاداتی ، طبایع و حرکاتی حاکی وقایعی مختصراً جمع و عرض ایلمکدر .

چونکه او قضاعتده بزرگه قفقاس مجاهداتنک سری شاملک شخصیتنده مند مجدر . شاملک عزم و اراده سی ، شدت و سیاستی ، دیانت و متاتی او خوارقک منبعیدر نه صارب داغیر نه ده سرت داغیلر ، بو اثرک مؤثر حقیقیسی دکلدردر . اصل صانع او بو کولیان پولاد پنجه در .

شیخ شاملک - که بر غلط معروفدر - اصل اسمی امام شمویلدر . قارلی شاهقه لر ، براق شلاله لر ، یشیل اورمانلر ، کوچوک فقط معمور شهر لر مملکتی اولان او اساطیر دیارنده ؛ قفقاسیاده دوغمش قفقاسیاده بویومشدر . بودیازک سکانی عرق ابیضک پک اینجه و کوزل انسانلریدر . ذییه بیلیرم که ، طبیعت ، قفقاسیایه هر قسم ثروت و حسنندن مبدولاً بخش ایلمشدر . معدنیاتیه جهانک اک ثروتلی بر قطع سی اولدیغنه شبهه یوقدر . بورالردن استفاده ایدن بو کون روسلردر . آنلرک هر زمانکی یاغمه لرینه رغماًینه زنکین قالان قفقاسیایک بیوک قهرمانی بالعکس فقیر ایدی .

شامل ، حیاتنده آلتون و کوش نامیه مزینات قوللانامش و محافظه ایتمه مشدر . کوچکلکندنبری ساده و بسیط یاشاردی . یکر می بش یاشنده مملکتی اوزرنده مجادله یه



شیخ شامل

آتیلهدیغی زمان یو کسک بوی ، وشدید اجرا آتندن باشقه مدار تفوق برشیئی یوقدی .
 یالکز چو جملغندبری چالاک و جودی ، پک کوزی ، و قیرلیان عزیمیه آرقداشلرینه تفوق
 ایدن شامل ، مجاهداته اشتراکله ده عین موقعی محافظه ایلشدی . او ، سپورتمن بر وجوده
 مالکدی ؛ صولاقدی . سلاحری صول ایلله قوللانیردی . کنجلاکنده آتلا دیغی مسافه لری ،
 آشدیغی مانعه لری ، طیرماندیغی ارتفاعلری ایوم تنظیر ایده جک قفقاس کنج لرندن کیمسه
 چیقما مشدر . بونلر قفقاسیاده اشارات متینه ایله مرصوص و خاطرات مقدسه قیلندن
 محفوظدر .

صرمه و کموش ، مصنعاته دونامش قفقاس غضنفر لرینک ایلریسنده شامل هر وقت بر
 شکلده کورونوردی بیاض کهر ، بیاض آتیه بینهر . سلاحلرینی ده بیاض فیل دیشیه
 سوسلردی . سیاهه آنجق آلتش یاشنده اسیر دوشدیکی کون بورونمشدی . و اولنجه به قدر
 صتالندن باشقه هر طرفی قرارمش قالشدی .

شاملک دوام ایدن مجاهدیه سی هپ مصائب و مزاحمه مالا مالدر . آنک شخصی حیاتی
 قفقاس فداکارلغک معیاریدر . او فداکارلقلرینه حرمة درکه قفقاسیایه امام انتخاب ایدلمش
 ایدی .

امام دیمک حکمدار دیمکدی . شامل پک سودیکی مملکتک استقلالی اوغرنده ،
 مالی افراد عائله سنی حتی جانی فدا ایلشدی . وفاتنده وجودنده اوتوزه یاقین یاره ایزی
 بولتمشدی . بونلر میاننده کوکسنی دلهرک آرقه سنه چیقمش قوجه موژیق سنکوسنک ایزی ده
 اکیسک دکلدی . او یاردی مجاهداتک ایلاک سنه لرنده کمری قلعه سی محاربه سنده آلمشدی .
 بوراده نه صورتله یارالاندیغی کندی آغزندن نقل و تثبیت ایدیلن شکلده یازیورم :
 « محاربه تک صوک کونی آقشام اوزری ایدی دشمن قلعه تک کنارینه قدر صوقولدی
 بزده ده قیلجلریمزدن باشقه قوللانیه جق سلاح قالمامشدی . بورادن قورتولمق ضروری
 ایدی . فقط قلعه دن چیقان درحال شهادته قاووشبوردی . هرکس قیلنجه صناریلوب
 ایلرلیوردی . نهایت غازی محمدده شهیدلر صره سنه کچدی . قلعه ده بر ایکی کیشی قالمشدر
 آرتق صره بکا کلدی ، قیایچی چکدم و آله صاریغمله صیقی صیقی باغلادم بر آلمله ده خنچرمی
 چکدرک دشمن صفی اوزرینه هوللاندم و بتون قوتمله صالدرمه یه قویولدم . او صره ده بر
 موسقوق نقری اوزریمه آتیلهدی ، قیلجمله قارشیلادم فقط سونکی کوکسمده قالدی .

سرعتله برالمه سونکی بی چیقاردم ویوله دوام ایتدم. اورتالوق قرارمشدی، روسلرله بربریمزه قاریشمشوق، مهادیا طاعه طوغری یول آلمغه چالیشدم وکمرینه باقین بر مغاره یه صیغندم هوا پک صوغوقدی؛ یاردمدن چیقان قان برمدت ایچون بی ایصیتمغه یاریوردی. نتیجه ده آرتق پک خالسز قالمشدم. بروقت صوکره یرلیلر کلدیلر، بی بولدیلر وکویه کوتوردیلر یارامده قان دینمشدی. فقط نفس آله میوردم. ایرتسی کون جراحلر کلدی یارده می تمیزله دیلر اوزون اوزادی یه صاردیلر، اوزمان راحت ایتمش او یوموشم برمدت صوکره او یاندیم والده می باشی اوجومده بولدیم کندیسندن اکندی وقتک کچوب کچمه دیکنی صوردم. آغلا ی و او یو یالیدن بری قاچ نماز وقتک کچدیکنی آکلاندی مکر کونلرجه بهوش قالمشم، ایشته تحدیث نعمت صورتیه سویلیورم، حیاطمه قضایه او کونلردن باشقه نماز بر اقامدم. «

دیمک شامل بویک بر ایمان و اعتقاد صاحیدی او اللهه قلیله صارلمش بتون مزاحم و مشکلاته برابر فرائض دینه سنی ده مکملاً یامش بر معتقددی. هیچ شبهه سز اللهه توریع مقتدرات ایتمش و او مشهور ثبات و جرأتی آندن استعانه ایلشدی.

شاملک مجاهداتنده کی قانلی وقعهلر بی نه یاهدر، او خارقه لر ابداع ایتک قهرمانلقلر کوسترمک و قوربانلر ویرمکه یشامشدی. اولادلرینی، رفیقه لرینی، اقربالرینی ارقداش لرینی هپ بو اوضرده سرمشدی. قدرک اوکا تقدیری مهادی فدا کارلقدی.

داستان غزاسی هپ خوارقله مشحون بلاریب اهمیت و قیمت اعتبار یله ده بر بردن اوستوندر. تاریخک پک اچقلی صحیفه سنی تشکیل ایدن احلکوح محاربه سی شویله جریان ایتشدی : روسلر احلکوح موقع مستحکمینی اوزون مدت محاصره ایتشلردی. قانلی محاربه لر متارکه لر باصقینلر یامشلردی.

قلعه ده کی موجودک آزاله سنه جیخانه نک توکنمه سنه اچاغک شدتلی تأثیرینه رغماً شاملک عزیمیه ثبات ایدیلوردی. بعض انلر اولمشدیکه مجاهدین تسلیم اولمغی قرارلش دیررکن شامل ایلک آتشی کندیسی اچقله محصوریتی ثباته تحریک ایدهرک قراری قیریوردی انک ایچون ثبات الزمدی.

ایشته بو عزیمله درکه روسلرک یالکز بو مواعه یاپدقلری اون التی هجوم پک قانلی بر صورتده پوسکورتلشدی. صوکره او یله آنلر کلدیکه موثریق هجومی آرتق توقیفه امکان بولنه میوردی، هر طرف کثیف دو مانلرله بوغلیور. شاملک قیمتدار نأبلیری قانلر ایچنده چرینیلوردی و هر نأبده امامک حضورنده تسلیم روحی اوزلیوردی.

بووقایع پک اجی تابلولردن سر کبدره هله موقع مستحکم قوماندانی طلحه نیک افولی هپسندن آجیقلیدر. قوماندان قولندن یارالانیور وقولی قیریلیور. فقط بویله برآنده قولنک قریق اوله سی بر انکل تشکیل ایتدیکندن بالذات قریق قولنی خنچریله کسه رک محاربه سنه دوام ایدیور ونه ایت قان ضیاعی کندیسنی بیتاب یره سر نجه انتقامنی المنی شامله وصیت ایدرک وفات ایدیوردی .

شامل بوقهرمانلره می یوقسه شمیدی به قدر ثبات ایدن قلعه نیک صوک آنه می آغلامق ایجاب ایتدیکنی بیله میوردی، هر کس الیه کینه مدافعه نفس ایدر کن قادینلرده طاشارله روسلره قارشى صالدير يوردی . فقط چوق کچمه دن بنالر، قلعه لر ییقیلدی، واویلا دیندی روس چیزمه سی هر شیئی ازدی مجاهدینک سسلری کسلمشن روحلری سهارانه یوکسلمش جسدلری ده انقاض آردسنه سیرلشدی . شامل صوک دفعه یاره لی تپه دن باقار کن، نه رفقا سنندن نه ده غایله سنندن کیمسه قاله مش انجق بیوک اوغلی کوچوک غازی محمد شهیدا آردسنده یاره لی یاتیور. پدردن روسلره قالمقدنسه کندیسنی دره یه آنه سی رجا ایدیوردی. حالبوکه شامل بو حلاله بیله اعتدالی بوزمادی، چکدیکی اضطرارلره رغماً اوغلی ده صرتنه آلدی وانتقام اوازه سیله دره یه آتیه زق آچ ویایان، چچنستانه دوغری یوللاندى . هر کس امیدنی کسمشدی بو حرکتک بر نجات امیدنی قالمدیغنه قالمشدی مع هذا شامل هر شیئه رغماً قورتولدی چچنستانده تکرار تشکیلاته باشلادی واوجنی برسنه صوکره اوکونه بکزه من برکونده التمش بیک موجودلی بر روس اردوسنی اورمانلقده بر قاچ ساعت ظرفنده قیلاچدن کچیرمکه آلدی (احلکوح) محاربه مشئومه سی شاملک حیات مجادله سننده بیوک انقلابلرک مبدئی اولدی آنجق نتیجه سننده شامل غایله سنندن کندیسنی ویاردلی اوغلی غازی محمدن باشقه کیمسه قورتلدی. ایکنجی اوغلی جمال الدین اولجه محاصره ائناسنده یاپیلن متارکه ده آنجق مجاهدینک راحتنی تأمین ایچون هیچ سومدیکی وسومه دیکی روسلره رهینه اوله رق ویریلشدی . رفیقه سی (جوهره) و کوچوک اوغلی (محمد سعید) شهیددوشمشلره، همشیره سی (مه سه دو) اوزاقده اولقله برابر قلعه دن کیمسه نیک قورتولامادیغنی دویونجه برادرینک شهادتندن دویدیغنی تأثر شدید اوزرینه ماموی صوبینه آتیه زق اتحار ایتشدی . ظن ایتیم که تاریخده بر سردار، ملتی وملتداشلری ایچون بوندن ده ا مبدول قوربان ویرمش بولنسون! مع هذا شامل ده ایلری واردی وکوره کوره، بیله بیله پک اجی فدا کارلقلره قاتلاندى .

جمال الدین روس مکتبلرنده روس سرایلرنده اوزون بر زمان قالدقن صوکره

شاملک یدنده بولنان کورجی خاندانی و روس جنرالریله مبادله ایدیلشدی. فطرة ذکی تحصیلاً ده عصری اولان بوکنج فنی برحسابله دوشونبور، روس قدرت و عظمتی یاقیندن کورمش و تدقیق ایلشدی. شممدی ده پدرینک حضورینه بیوک الایلرله کتیریلیرکن جبهه لر کزدیرلمش موجود کوسترلمش بتون قوتلر اوکنده تشهر ایدیلشدی. او بوایکی نسبت قبول ایتمز وضعیتی دوشونمکه متدهشمدی بوندن ناشی پدریله کورشدیکی ایلك آنده پک فضله استعجال کوسترک روسلرله او یوشمفی درمیان ایتدی. بو آجی خطاب حضور نوایده شاملی اغضاب ایتدی و درحال اوغلنک اعدامی امر ایلدی. چونکه بر دستور قطعیسی واردی روسلره بویون اکمک تکلیفی جسارت ایدنلرک کله لری جلاده تسلیم اولنیوردی. بو تکلیفی ایسترسه اک سویدیکی سنه لرحه حسرتی چکدیکی اوغلی ارتکاب ایتسون و صمیمیتله صرف ایتمش بوانسون جزاسنی کوروردی. نوایک التماسی جمهورک تهیجی بو اعدام جزاسنی انجق مؤبد نفیله تبدیل ایده بیلدی. زواللی جمال الدین شاشمش قلمش متأثراً منقاسنده تورم ایدرک آخرته انتقال ایتشدی. بوکا بکزره بر سبيله شاملک کنديسنه ده تطبیق ایتدیکی دهشتلی بر جزا واردرکه آنی ده بو وسیله ایله اکلایمه دن کچمیه لم.

چیچنلر هر زمان ایچون طبیعه حساس زمانه کوره اختیار حیلده صاحب اختصاص اولورلر. بر کون روسلرک ملحوظ تعرضلرینی کشف ایدرک شاملک نزدینه هیئت مرخصه اعزام ایدرلر. اوزمان شامل کورجستان حدودنده بیوک بر تعرض احضاریله مشغولدی. بورادن قوت چکمه یه امکان کورمه نیجه هیئت شاملک والده سندن اوغلی نزدنده روسلرله او یوشمه لری ایچون بر مساعده استحصالی التماسه تشویق ایدرلر و قادینجغزی اقناع ایدرلر زاواللی اختیار والده مصالحه یه قیو آچق قفقاسیایی روسلره قایدیرمق دیمک اوله جغنی اوغلنک ایشنه مداخله ایتمکه او پولاد اداره یی خرد خواش ایده جگنی درک ایدمه یه رک اوغلنی یاننه چاغیرته رق صاف و غافل کنديسنه بعض تکلیفات درمیان ایدرکه شممدی یه قدر شاملک اوکنده بو جراتی کوستروب صاغ قورتیلان کیمسه کوروله مشدی.

شاملک وضعیتی مدهشمدی بر طرفه والده سی دیگر جهته ده تطبیق ایدیه کان بر قانون دائمی واردی، بونلرک هانکیسنه قیقم کر کدی.

شامل والده سنک تکلیفه شاشیرمش هیچ جواب ویرمه دن چیقمشدی اولیه بر قرار لازم دیکه بوندن نه وجدانی عذاب دویمون نه ده دینی بر عقابی بولنسون بونک ایچون جامعه التجا ایتمش و اوزرینه قیوی قایدیرمش ساعت لرحه استغراقه دالمش فقط بر تورلو

قرار ویردمامشدی . بختة وقوع بولان بوحال شایع اولمش وافکار عمومیه بی تحریک ایش و کیتدیجه متزاید برتهالکله خلق جامعک جوارینه دولمشدی . هر کس حالدن بی خبر کندی فکرینه کوره - سوزسویلمکه باشلامشدی، اوزون برانتظاردن سوکره قبولراچیلدی . امام شامل قیزارمش ترلهمش متدهش کورندی و غلبه لغه دوغری ایلروله یرک خطابه باشلادی والدمنه جزا ویرلمسک کبائر دن اولدینی قانونه مخالفتک ایسه امکانی بولمیدینی خصوصنی کندینه خاص طلاق متأزهمسیله تشریح و توضیح ایلدکن صکره ایشته « رأیی ویرورم والدمه ویریه جک جزایی بکا تطبیق ایدک ، دیدی ، ووسائطک اک عادیسى دایا قدر بی دایاقله اولدورک دهرک اوراده دوران معینه امر قطعیسنى ویردی . »

جمهور ، بوغیر منتظر وقعهدن متدهشدی شاملک البسارلی جیقارتلادی صیرتی اچیلدی و معیتجه ، حتی کندیسنه دخی اولسه ویردیکی امره عدم اطاعتک امکانی اولمیدیغدن دوکولمکه باشلاندی . همده بواصر اودرجه شدت و قطعیتله تطبیق ایدیلدی که برمدت سوکره شاملک دریسى یارلمغه قانلر فیشقیرمهغه باشلادی بایله رق یرلره ییقلدی . آرتق خلق بو منظره قارشوسنده غلیانه کلهرک اماملرینی ایاقلر آلتدن الیر اوزرینه قالدیردیلر . یایدقلمری حیله نك نتیجه فحیعه سنه بو صورتله شاهد اولان چچنلر ایچون قاچمقدن باشقه چاره قالمامشدی . آتلینه بینهرک کیمسه نك کوره میه جکی مذلتلردن کچهرک عودت ایتدیلمر و مصالحه حقنده التماسلرینه جواب بکلین ارقداشلرینه بو بایغ جوابی کتوردیلر . و حقیقه بو وقعهدن سوکره چچنلر روسلرک تعرضنه شدتله مقاومت کوستره رک بیوک موفقیتلر قزاندیلمر ایشته شامل مظفریاتی بو صورتله احضار ایدیلوردی .

واقعا قفقاسک او داغلی اقوامی مملکتلری کچید اورتهمسند اولدینی حالده بیله هیچ بر زمان ذات اسارتی قبول ایتمه مشلردی . انلر قارتال یاورولری کبی داغلرک صعب الصعود ذرودلرنده یووالر قورومشلمر ، دشمنلر کندیلمرینه کلدکجه انلرده دهایوقاری چیقهرق حریتلریله برلکده یوکسلوب یشامشلردی .

فقط بومدت ظرفنده هپ فردی قالمشلمر ، اده لرنده کی رابطه محبت و حرمتی قیرمامشلمر و اوزون زمانلر بورابطه سایه سنده مسعود یشامشلردی .

شو قدر که بو طاغنیق فردلر اراسنده دولت مفهومی شامل تطبیقنه قویولدی و بوکا اولادینی تعمیم شکلیه باشلادی ، روسلرله اولان مجاهداتیه بوتشکیلاتی تقویه و ترصین ایلدی . اولیه زمانلر اولمشدی که شاملک حوضه حکومتی قفقاسی باشدن منتهاسنه قدر قاپلامشدی .

یازم عصره قریب دوام ایدن زمان مدافعه عندی وقایعه مملو بر سلسله ماجرا
صایلمه سون. اوزمان تأسس ایدن فقاس حکومتک ابتدائی ذهنیتنه رغماً منتظم ۳۹ بیك
پیاده و ۳۷ بیك سواری مقدارنده حضری بر اردوسی واردی. همده بو قوتك بوتون
لوازماتی محلی استحصالته اكال ایدیوردی. عین زمانده روسلرك سلاحرینه فائق
سلاح و طوپ فابریقه لری مهمات و باروت دارالصناعه لری یاپدیرمشدی. شاملك امضاسنی
حاوی قوانین مجاهدینه مخصوص نشانلر و كموش پاره لر باصلمشدی. بونلر بو کون قیت
حقیقه لر به نقدیر و تثبیت ایدلماش اولمقه برابر اساس اعتباریه بك بیوك بر اثردی.
بونك ایچوندرکه روسلر بیوك محاربه لره سوق ایدیلن اردولردن فضا به عسکر سووقه مجبور
قالشلر و روس اردوسی درتیوزیک راده سته چیقارلمشدی.

بزه بو بداهتلر هر وقت اهمال ایدلدی. بو کون بیله لسانمزده قفقاسیا وقایعنی حاکی
بر اثر یازلماشدر.

بر مسئله نك اصیل غریبی شوکه صوکره لری جودت پاشا مرحومك اوراق متروکه سی
ارمننده بو خصوصه دائر مدلل بر بحث بولدم. بوندن قفقاسیانك روس الینه دوشمننه
یاعت اولان اسبابدن بریده عثمانلی سلطنتك اهمالی اولدیغنی آکلادم. سیواستوپول
محاربه سی عقبنده طوپلانان پارس قونفرانسنده تورکار متفقلرینه روسیه یه قارشى مظفر
موقعنده اوطورورکن شامل حکومتی موضوع مقال اولمش وانکلیر مرخصی طرفدن
مدافعه ایدلمشکن علی پاشا مرحوم هیچ شبهه نرمر کزدن الدیغنی اصلره اتباع بونك ایکنجی
درجه ده بر مسئله اولدیغنی درمیان ایدرک روسلرك جان و کولدن القیشنه مظهر اولمشدی.
ظن ایتیم که اک بیوك رجال سیاسیه و تاریخیه مزدن اولان پاشا بو قدر غافل و جاهل
بولونسون. قفقاسیانك روسیه و تورکیه آرمننده - نه ناناپون - شکنده کی موجودیتك
بزه اولان فوائدنی درک ایدمه یه جک درجه ده بسیط بر ذهنیتی بولونسون انکلتره کندی
سیاستنی تقویه ایچون بونی طلب ایدرکن بزه که ، روسیه نك الندن آمان چکرکن بوکا
قارشى مستغنی قاله مزك امکانی کورونسون.

بوراده حاکم اولان نقطه شاملك کیتدکجه قوتله نهرک عالم اسلامك قزاندیغنی نفوسدن
واسمنك اوزرینه امیر المؤمنین لقبی قویدرمنه سندن قوشقرمان سرايك معلوم اولان اوهامی
اولسی اغلب احتمالدر. نه یازیق که بز او اوهامك از زمان صوکره اجیسنی همده بهالی
بر شکلده اوده دک. شیمدی یه قدر بو ایجه نقطه لر و خلقمزه حتی تاریخشناسانه مجهول

قلمسی تألف اوله جق احوال دندر . بونلرک اربابی طرفدن بر تفصیل یازلمسی و بو بحث حقنده معلومات ویرلمسی تمفی اولنور .

روسلر پارس قونفرانسنده ناپولئونک مظاهرتیه او جوز قورتولنججه ایلمک ایشلری سفر بر اردولرینی تقویه ایدرک شامل اورزربنه یورومک اولدی . درتیوز بیک موجودله ایلرله بن (جنرال بارینسکی) اطعی ضربه لر ایندیریهوردی . شاملده ذاتاً اوزمان اختیارلمشدی . او وقعهلرده بولنش بر قفقاس مورخنک عربجه یازدیغی بر اثرده شاملک صوک وضعیتنی بک کوزل ایضاح ایدیور .

انسان بونی او قویونجه شامل اختیارلامش اولمسیدی . روسلر او نتیجهنی الیم ایدهمیه جکربنه قانع اوله جنی کلپور . هر محاصره دن خارقه قیلندن قورتولان عزیمکار مجاهد بوسفر آرتق اسکی حالیه قابل قیاس دکلدی . او پولاد وجود فوق التحمل مزاحمه بییرانمشدی . او توز بش سنلک مشاق مجاهده هپ عین وجود اوزرنده ایزینی بر اقمشدی . یاشی آلتشی کچمش هر طرف قابور کبی یاره لرله ده شیا مشدی . واقعا خارجاً عینی هیبتنی محافظه ایدیوردی . فقط دقتلیجه باقیلنججه قامتک بو کولمش نظر لرینک اولمش صاج صقال انجق قینه نک همتیه صیاهلغنی صاقلیه بیلمش اولدیغی کوریلپوردی . او محرر دیور که : بزه ضعف طاری اولنججه ، شاملک چلیک پنجه سی اک ایلری صفده کوزوکور . قوه معنویه مزنی یوکسلتیردی . بر نقطه مزده خطا اثری بولنسه شامل در حال او جبهه یه قوشار . او جریاننی چویرردی . کندیسیده دائماً جبرو شدت و پدرانیه مرحمت متمز جدی . بز بونلری کورور اکا کوره حربه آتیلیردق . حالبوکه اختیارلق بونلره مانع اولدی . نته کیم بر کون مهم بر محاربه نی یقیندن تعقیب ایچون امام جبهه کریسنده کی کویه کلدی . تصادف محاربه عایهمزه دوندی . عسکر بوزولدی . روسلر بولندیغمز کویه کیردی بز تلاشله امامی کوتورمک ایسته دک او ایسه آبدستنی آلمغه مشغولدی . تلاشمز دن متحیر صئوق قانلیقله بزه باقیوردی . حالبوکه زده ایسه روسلر بولندیغمز اوه کله جکاردی . نهایت آبدستی بیتدی قوللرینی ایندیردی آتیه بپندی و اوز اقلاشدق . اوصیره لرده امام بکا دوغری عربجه منظوم بر بیت او قودی . معناسی : خارجمده کی صبر وسکون اورومجک آغی کیدر ایچمده کی اضطرار ایه ایسه عقربک صوقه سندن اشدور .

اوزمان آکلادم که شامل تصورلری کورمیور دکلدی . فقط اختیارلق کوردیکنی تعمیره مانع اولویوردی .

بو حالی صوك محاربه ده عياناً كوروندى . شامل اسكيدن مجاهده به بالذات اشتراك ايدەرك
 اداره ايدردى . انى استخلاف ايدنلرايسه او لياقتى كوسترمديلر، بوندن دولانى مقاومت
 اولنه مادي . هر طرفه . انارشى حاصل اولدى . اردو بوزولدى هر كس بر طرفه كيديوردى
 شامل بيك مشكلاته و پك آز بر قوتله غويتيه التجا ايدە بيلدى . فقط اوراده هيچ بر
 استحضارات ياپيلمه مشدى روسلر وضعيتدن بالاستفاده هر طرفه ، صالديرديلر و داغه چيقديلر
 قلعه ده ايسه امام و بر مقدار صميمى رفقاسى قالمشدى شاملك او كون : يانمده حاجى مراد
 اولسه بن بوموقعه قالمازدم ديمه سي مشهوردر . روسلر قلعه ني بومباردمان ايتدكجه شاملك
 كيني درينله شيور و اولومه يا قلاشيوردى قفقاسياني يشاتمق ايسته بن قهرمان ارتق صوك صولته
 كو كسنى گرمش شهادتى بكيوردى .

نهایت داغستان علماسى تجمع ايددرك حضور شامله چيقديلر و بو ثبات مذبحخانه بك
 شرعاً ممنوع اولديغنى و بالذات كنديسى تهلكه به آتمله كفر ايشليه چكنى ياننده كيلرك قانى
 كنديسندن صوروله جغنى بيلديرديلر . ارتق شامل اسكيسى كى اتلوب بونلرك باشلرني
 كسديره مدي . بر طرفدن روسلرك هجومى ديكر طرفدن چواق چو حوغك فريادى نهايت
 علمانك ابرامى نتيجه سيله مأيوس و محزون صوك سوز اوله رق « نزد آلهپده بو حر كتله
 بر كناه ارتكاب ايديورسه بونى علمانك عنقنه اغلاق ايلديكنى ارتق جمله به وداع
 ايتديكنى دوغريدن دوغرى به توريكه حدودنه كچمك شرطيله تسليم اولاجغنى بيلدردى .
 او كون قفقاسيانك مائلى كونيدر قفقاس حرتى شاملك وجوديله افول ايديوردى
 هيچ شبهه سز او بيوك قهرمانك صوك رحلى قانلر آره سنده حضور آلهپه به عروج شكندده
 اوليدى . او بيوك مجاهده ده الىق بر انتهى ايله تتوج ايدردى . فقط مع الاسف براز
 صوكر سپاهيلر كيمش قلعه قپوسندن چيقنجه صفتيه احترام بيكلرجه روس عسكرينك
 بر قومانداه اتباعاً چكيان سلاحلى شاقيرديسى دالغين ايلروله بن شاملى تدهيش ايتدى
 اوده پر خدت قلنجه صارلدى مهماندارلرى بو حر كتك احترامادن ايلرى كلديكنى كنديسنه
 اكلاتجه محجوب اولمش اوله ايسه كنديسى ده بومظفر عسكرى سلاملاق قصديله تشهير
 سيف ايلديكنى سويلمشدى ارتق بو صوك حر كتدى اندنصكره شامل بسبتون سلاحدن
 مجرد ايمش شهادته نائل اولامديغندن مأيوس صاريق وجهه به صاريلمش اختلاطدن چكلمش
 كيجه كوندوز عبادته حصر نفس ايتمشدى . مولا غريق رحمت و شقاعت رسوله نائل ايله آمين